

## Psalmus responsorius

Ps 18, 8. 9. 10. 11 ( R̄.: Io 6, 68c)

R̄. Dómine, verba vitæ ætérnæ habes.

<sup>8</sup> Lex Dómini immaculáta, reficiens ánimam,  
testimónium Dómini fidéle,  
sapiéntiam præstans párvulis. R̄.

<sup>9</sup> Iustítiæ Dómini rectæ, lætificántes corda,  
præcéptum Dómini lúcidum, illúminans óculos. R̄.

<sup>10</sup> Timor Dómini mundus, pérmanens in sáeculum sáeculi,  
iudícia Dómini vera, iusta ómnia simul. R̄.

<sup>11</sup> Desiderabília super aurum  
et lápidem pretiósum multum  
et dulcióra super mel et favum stillántem. R̄.